

Reakcija povodom zadnjih odluka u Nacionalnom parku Una

Link: http://www.biscani.net/index.php?stream=biscani_vijest&vid=6963



Funkcije su prolazne, ali u njima se ljudi izgube i prestanu biti ljudi, što naš narod kaže "ponese ih", a izgleda da je i vas dobro ponijelo. Valja proći pored građana i raje i kada nisi direktor. Ja ću zahtjev za uvažavanje i dosljednin partnerskim tretmanom, tražiti kod onih koji su Vas birali.

Ćoralić Mersad-Kiro

[Podijeli83](#)

Reakcija povodom zadnjih odluka u Nacionalnom parku Una

*** Objavljeno prije 1 sedmica 5 dana

Toliko tvrdoglavosti, arogancije, nekooperativnosti, isključivosti, nametanja i demonstriranje moći i sile na jednom mjestu, sa pozicije direktora JP NP UNA i predsjednika NO JP NP UNA je teško naći, pogotovo kada to rade ljudi skojima ako ništa, živiš i umireš u istom gradu, udišeš isti zrak i ideš istim ulicama.

PIŠE: **Prof. Ćoralić Mersad-Kiro**

Često u zadnje vrijeme sam sebe preispitujem, zašto je takav odnos prema UNA RC KIRO RAFTING (i drugim rafting agencijama), da ti nisam možda naučio Amarildo, a nisam, smatrao sam te prijateljem, zajedno smo radili na nekim projektima, posjećivali turističke sajmove, bio si čest gost na raftingu, regatama, rado viđen gost u KIRO RAFTING CENTRU i u krugu moje porodice, ali otkad si izabran za direktora JP NP UNA za neprepoznati si (ima ona narodna "daj čovjeku vlast, pa ćeš vidjeti kakav je"), pun sebe, arogantan, isključiv, netolerantan, nepristupačan, samoljubiv (kako reče jedan poznati Bišćanin, on samo ne da drukčije hoda kako je izabran za direktora već i glavu drukčije nosi), postao si umišljeni, kruti i odbojni birokrata, koji misli da je bogom dan.

Da li sada ispoljavaš na ovaj način svoje frustracije, što si skoro 7 zadnjih godina nosio kišobran (zbog kiše ili sunca), služio kao stalak za garderobu i češao j.... bihaćkim političarima, i je li te to preporučilo za direktora NP UNA, (znam kako si izabran).

Što se tiče tebe Ante Marjanoviću, ne sjećam se da sam tebi naudilo ili učinio neko zlo, već obrnuto, ti si zajedno sa Kumalićem, Štulanovićem, Bahtijarevićem i Zulićem (Bjelim) kumovao jednoj od najvećih afera i skandala u sferi turizma u BiH (nezakonita koncesija na Unu i Unsku regatu 2005.g. koju je poništio kantonalni sud na osnovu tužbe UNA RC KIRO RAFTING, te si svojom arogancijom, bahatošću, nestručnošću oštetio Vladu kantona i cijelu zajednicu. U normalnim državama osobe kao ti budu najmanje suspendovane i krivično gonjene, a ti si čak i unapređen (predsjednik NO), opet vedriš i oblačiš u turizmu USK-a, određuješ visine nadoknada za rafting agencije (kao što si 2005.g. tražio 50% za svog koncesionara što je bio svojevrsni reket, a i sada hoćeš 15-20% što liči na 2005.g., a dobro znaš kako je završilo). U nečem si tada sa svojim pajdašima uspio, a to je da me pospremiate u bolnicu (moždani udar), da mi narušite zdravlje, ali me niste uspjeli uništiti, već samo ojačati da se i dalje beskrpomisno i pravno, snagom argumenata, borim protiv nepravde koju provode takvi kao ti i slični tebi. Ti si godinama na državnim jaslama, vruće se vode nisi napio, vječiti čas pomoćnik ministra, čas savjetnik, čas stručni saradnik (vjerujem kada se ujutro probudiš da ni sam ne znaš šta si od nabrojanog), neizbježni član svih mogućih (dakako plaćenih) komisija, ali svi dolaze i odlaze, ali ti ostaješ i opstaješ, jer kako naš narod kaže znaš se uvući u g..... Ipak ti si nebitna osoba u mom životu i radu, a ujedno si persona non grata na mom posjedu i u životu, i najžalije mi je što sam uopšte sjedio za istim stolom (zbog spleta okolnosti) nedavno sa tobom, jer svojim postupcima (ljetos u prostorijama NP kada na moje pitanje barem za ljudsko izvinjenje za nepravdu oko koncesije izjavi (još to nije gotovo i ne zna se ko je pobjednik), i tvoji zadnji doprinosi odlukama u vezi nadoknada, pokazuju da „tu nema čovjeka“.

Vas dvojica ste se okomili na mene i ostale raftere argumentima sile i vlasti, nametnutim dekretima i odlukama, ne uvažavajući ni mene ni moje kolege kao ljude i naše argumentirane kompromisne prijedloge i sugestije, nastojali ste i nastojite da nas ponizite i obezvrijedite, niste htjeli snama ni razgovarati (tek na moje insistiranje). Vaša je deviza bila „treba ih derati oni mlate pare“. Požurili ste sa vašim pohlepnim odlukama na samom kraju prošle sezone i samo smo mi (rafting agencije) plaćali, a ostali gosti ne, čime ste nas diskriminirali i oštetili. Pa šta vi mislite da smo mi maloumni, da se ne znamo boriti i zaštititi svoja prava, e itekako se varate. Ne počinje turizam u Bihaću i USK-u izborom vas dvojice, i nije vam Una babovina, pa da je krčmite kako vi hoćete.

U više navrata sam vam pisao i objašnjavao (kao i sve ostale agencije) da visina nadoknade treba biti realna, korektna u skladu sa vremenom i mogućnostima u kojima živimo i prihvatljiva za sve, da neke agencije (Una RC Kiro Rafting) već 14-15 godina se bave turizmom na vodi (rafting, kajak,

kanu), da smo uložili i ulažemo ne mala i uglavnom vlastita sredstva, ulagali u propagandu i marketing, dovodili i dovodimo turiste, zapošljavamo, plaćamo poreze i takse, bukvalno bez ikakve pomoći države, međunarodnih fondova i donacija. Naglasili smo da je sezona raftinga veoma kratka 4-5 mjeseci, i uglavnom vikendom, faktor vrijeme veoma bitan i nama često nenaklonjen, a skoro 7 mjeseci nema aktivnosti i gostiju. Međutim vi ništa i nikoga ne uvažavate, počev od običnih dobronamjernih građana, prijatelja, uglednih političara USK-a, načelnika, predsjednika političkih partija, premijera itd. vi radite po svom, pokazujući mišiće nama rafterima i dokazujući kako ste navodno veliki rukovodioci.

Podsjetit ću vas na jednog bivšeg poslijeratnog načelnika općine Bihać, koji je mislio da će biti vječiti načelnik, pa kada mu je prestao po ničem pozitivni četverogodišnji mandat, pun arogancije, netolerancije i samoljublja, ljudi su okretali, a i danas okreću glavu od njega ne želeći da ga pozdrave ,pokazujući mu na taj način šta misle o njegovom mandatu i o njemu.

Funkcije su prolazne, ali u njima se ljudi izgube i prestanu biti ljudi, što naš narod kaže "ponese ih", a izgleda da je i vas dobro ponijelo. Valja proći pored građana i raje i kada nisi direktor. Ja ću zahtjev za uvažavanje i dosljednin partnerskim tretmanom,tražiti kod onih koji su Vas birali.

Ovo obraćanje je vama kao najodgovornijim osobama za sve ono što se dešavalo i što će se desiti u odnosu između rafting agencija i NP. Želim da vas podsjetim, iako vi to obojica dobro znate, da sam ja ipak ime i prezime i u gradu i u kantonu i u BIH, ja nisam počeo jučer da živim i stvaram, iza mene su godine uspješnog sportaša, kajakaša, profesora, političara, diplomate BiH, privrednika i sada raftera i neću dozvoliti nikome, pa ni vama, da se samnom poigrava i da me obezvređuje. Ovo je moje (lično) posljednje obraćanje vama i NP, jer je iz dosadašnjih obraćanja vidljivo da tu nema ljudi za korektan dijalog.

Nisam vam se obratio u početku sa poštovana gospodo, to ne zaslužujete (poslije vaših zadnjih sramnih odluka) i ne treba vas ni poštivati ni zvati gospodom, da vam se obratim sa dragi drugovi ni to ne može, niti (neki bivši), ste dragi niti ste drugovi, da vam se obratim sa dragi Bišćani ne ide ni to, jer ste pokazali da ne znate ni to biti. Jedino mi je preostalo da vam se obratim sa „vi nezreli, nedorasli, bezobrazni, drski, tendeciozni, egoistični, narcisoidni, frustrirani, kvazi rukovodioci i političari“ sramite se. Zbogom i uživajte u vašim nekorektnostima i nadam se ne dugim mandatima.

Prof. Ćoralić Mersad-Kiro,

direktor i vlasnik agencije RC Una Kiro rafting,

bivši dugogodišnji uspješni kajakaš i

direktor reprezentacije BiH u kajaku na divljim vodama